

cxv.

Testement de anthoine andrieu filz de feu m(aîtr)e guill(aum)e  
notaire quant vivoit not(air)e de villemur /

Au nom de la santissime trinite du pere du  
filz et du venoist (*benoist*) saint esperit comme  
ainsin soyt q(ue) nul parsonnaige ne soyt  
mis en se monde en chair humaine q(u'i)l  
valhe ny puisse esvader le grand jugeme(n)t  
general de nostre seigneur pour ce que la  
mort est chouse c(er)taine entre toutes  
au(tr)es chouses et l( )h(e)ure d icelle nous est  
incertaine pour ce est il que l( )an de  
grace **mil vc lxvi** et le **xx<sup>e</sup>**  
du moys de **jung** dans la ville de  
**villemur** et maison de moy notayre soubz(sig)ne  
parsonnelleme(n)t estably **anthoine andrieu**  
**basochain filz de feu m(aîtr)e guillaume andrieu**  
**not(air)e** habitant de la ville de villemur led(it)  
anthoine andrieu ]~~lequel~~[ / bien voyant oyant  
cognoissant parfaitement parlant estant dans  
lad(ite) maison scain de son entendement  
a faict son dernier testeme(n)t non  
qupatif et derniere volunte com(me)  
s( )ensuit et premierement c( )est  
muny du signe de la sainte digne beraye (*vraie*)  
croix en disant in nomine patris  
et filly et esperitu santi amen apres  
a recommandee son ame a jesu(s)c(h)rist  
et a la glorieuse bierge sa mere et a  
toutz saintz et saintes de paradis  
lesquelz a voulleu estre ses advocatz  
a( )la fin de son trespas et apres q(ue)

.....  
son ame sera separee de son corps a  
voulleu son corps estre encepvelly  
au saint simectiere de saint jehan  
de villemur et au tumveau (*tombeau*) de son  
pere et au(tr)es predescesseurs  
item a voulleu et ordonne veult et  
ordonne led(it) testateur que ses  
honneurs et funerailhes luy soyent  
faictes sepulture novene et cap d an  
tout ainsin que fure(n)t faites a  
feu ]~~guill~~[ m(aîtr)e guillaume andrieu son  
pere par ses heret(ier)z huniverselz

de( )bas escriptz une fois tant seulement  
lad(ite) sepulture cap d an et nouve  
icelle nouve suivie comme est  
de costume item a donne et  
legue par almoine pie a( )las  
luminaries dels cinq playes / et  
nostre dame / et aux ames de  
purgatoire dix deniers a ch(ac)une  
payables une foys tant seulement  
item a donne et legue par  
herdite et par maniere de portion  
a m(aître) **vidal andrieu not(aire) et a  
estevane andrieus ses fre(re) et s(o)eur**

---

cxvj

**germains** a ung ch(ac)ung d( )eulx la  
somme de cinq soulz t(ournoi)z ]~~et avec ee~~[  
paiables une foys tant seuleme(n)t  
par son heret(ier) huniversal debas  
escript c( )est avec [co](mm)e les a faictz  
ses heret(iers) partiquilliers et a voulleu  
que ne aye(n)t ny puisse(n)t rien plus  
demander a son heret(ier) universal  
de( )bas escript ny a son heredite  
a... et ... de toutz ses  
biens et heredite item a voulleu  
et ordonne led(it) testateur veult et  
ordonne par son dernier testament  
et derniere volonte que honneste femme  
**anne austrine sa mere espouse de m(aître)  
guillaume dumas not(aire)** habit(ant)e de villemur  
soyt usuffructuaresse m(aître) et  
seigneuresse de toutz et ch(ac)uns ses biens  
meubles et immeubles presans et advenir  
debtes et toutes au(tr)es chouses  
aud(it) testateur a[par]tenantes tant  
que vivra en se monde / en quas  
de necessite que soyt en liverte (*liberté*)  
d en vendre a sa volonte et a  
voulleu que ne soyt tenue de rendre  
aulcung compte desd(its) *enfuictz* mais en  
fere a ses volutes tant en la vie

---

que en la mort laquelle donna(ti)on a faict  
a lad(ite) austrine sa mere par almoine pie  
et pour les agreables s(er)vices que luy a  
faictz et faict journalleme(n)t et / en toutz

ses au(tr)es biens meubles et immeubles  
presans et advenir a faict et  
institue son heretier universel apres  
la vie de la susd(ite) anne austrine sa mere et  
de sa propre bouche l a nomme ]ass[  
a scavoir est **jehan andrieu pepil**  
**son fre(re) germain** en faire a toutes ses  
voluntas apres le deces de lad(ite) austrine  
comme dict est en la vie [co](mme)  
en la mort et a voulleu que si led(it) jehan  
]austry[ andrieu son heret(ier) universel  
aloyt de vie a trespas sans fruit  
legitime et naturel avant ou sans eaige  
de tester que lesd(its) biens devien(n)e(n)t et  
de plain droict revertisces a( )lad(ite) austrine  
]et appartiene d... .. lad(ite) austrine[ sa  
mere en fere a toutes ses voulluntas  
tant en la vie que en la mort led(it) cas  
advenant que led(it) jehan decedoit sans  
fruit et a voulleu que soyt tenu de  
payer les legatz le mieulx que luy  
sera possible etc et a volu que led(it)  
testement vailhe par maniere de testa(ment)  
codicille dona(ti)on a cause de la mort  
par toute au(tr)eme(n)t le mieulx q(ue) sera possible  
cassant ]...antz[ revocantz etc requy etc de( )q[uoy]  
etc p(rese)ns m(aîtr)es jehan rujol pie(rre) baron / jeh(a)n  
bosquet jehan forest cordanier / pie(rre) costans cord[anier]  
pie(rre) rogier couturier de vill(emu)r jehan romanhac  
cordanier de raigfuades / pie(rre) esquier costurier de[...]

Rujol Baronaul Bosquet, p(rese)nt J. de Pinu, not(aire)

Andrieu, testate(ur) j ay faicte la rature des xv xxe et xxxe lignes de ceste page